



Broj: 02-05-1- 2463 /18
Datum, 31.10.2018.godine

Z A P I S N I K

Sa 21. sjednice Općinskog vijeća Maglaj
održane dana 31.10.2018.godine u 09,00 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća, zaključaka Kolegija od 22.10.2018.godine i Programa rada Općinskog vijeća za 2018. godinu i ukazane potrebe otvaram 21. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, samostalni vijećnici Mustafa Buljubašić, Mustafa Bešić, Fikret Delić i Kanita Bašić.

Poziv na sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 21. redovnoj sjednici Općinskog vijeća.

Današnjoj sjednici Općinskog vijeća prisustvuje 23 vijećnika.

Nisu prisutni vijećnici Hasanić Šefka i Jurišić Josip.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 20. redovne sjednice Općinskog vijeća.

Da li ima primjedbi na zapisnik sa 20. redovne sjednice? Nema.

Jednoglasno je verifikovan zapisnik sa 20. sjednice Općinskog vijeća.

Otvaram raspravu po pitanju dnevnog reda. Da li ima prijedloga za proširenje dnevnog reda? Materijal za treću tačku je došao naknadno onako kako smo se usaglasili na Kolegiju.

Nema, pročitat ću dnevni red.

D N E V N I R E D

1. Periodični finansijski izvještaj o izvršenju Budžeta/proračuna Općine Maglaj za period 01.01.-30.09.2018. godine;
2. Informacija o poticajima u poljoprivrednoj proizvodnji na području općine Maglaj;
3. Odluka o davanju saglasnosti Općinskom načelniku za utrošak sredstava ostvarenih po osnovu kontinuirane naknade od koncesije i korištenja državnih šuma za 2018. godinu;
4. Prijedlog Rješenje o imenovanju članova Upravnog odbora JU „Dječiji vrtić“ Maglaj;
5. Ostavka Bajraktarević Tatjane na mjesto predsjednice Upravnog odbora JU „Dječiji vrtić“;
- Odluka o razrješenju Bajraktarević Tatjane zbog podnošenja ostavke na mjesto predsjednice Upravnog odbora JU „Dječiji vrtić“;
6. Prijedlog Etički kodeks JP „Veterinarska stanica“ Maglaj;
7. Prijedlog za odgodu organizovanja Odbora za reviziju JP „Veterinarska stanica“ Maglaj;
8. Usvajanje Platforme za mir i Plan aktivnosti za implementaciju Platforme za mir 2018-2020 Općinsko vijeće;
9. Odluka o dodjeli studentskih stipendija redovnim studentima drugog ciklusa studija sa područja općine Maglaj za akademsku 2017/2018. godinu;
10. Opšti kriteriji za dodjelu stipendija redovnim studentima drugog ciklusa studija sa područja općine Maglaj za akademsku 2017/2018. godinu;

Vijećnik Safet Jašić, Koliko se sjećam bio je ranije zaključak da na svakoj sjednici Općinskog vijeća bude izvještaj o realizaciji sanacije šteta poslije majskih poplava. Ne vidim u ovom sazivu tu tačku.

Predsjedavajuća, Vi ste malo kasnili na Kolegij, a na Kolegiju je razmatrana i prva tačka dnevnog reda i rečeno je da se za narednu sjednicu ili do kraja godine pripremi sveukupni izvještaj za sanaciju šteta nastalih u majskim poplavama. Kolegij se tako i usaglasio i zbog toga je i skinuta ta tačka dnevnog reda na samom Kolegiju.

Senada Alibajraktarević, samo bih zamolila vezano za prvu tačku dnevnog reda da naziv prve tačke bude baš onako kako je dostavljena Periodični finansijski izvještaj Budžeta/Proračuna Općine Maglaj za period 01.01. – 30.09.2018.godine, a ne informacija.

Pristupio je vijećnik Josip Jurišić, tako da OV radi sa 24 vijećnika.

Pauza za Klub SDA

Vijećnik Safet Jašić, mi smo uzeli pauzu jer je velika razlika između informacije i Periodičnog izvještaja, tako da smo donijeli zaključak po pitanju prve tačke obzirom da znamo da to mijenja. Mi ćemo se odrediti kad bude se glasalo po dnevnom redu.

Predsjedavajuća, dajem na glasanje prijedlog izmjene 1. tačke dnevnog reda da se preimenuje u Periodični finansijski izvještaj o izvršenju Budžeta/Proračuna Općine Maglaj za period 01.01.-30.09.2018.godine, kako je predložila Senada Alibajraktarević.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Ferić (DF), Josip Jurišić (HDZ), Fikret Delić, Mustafa Bešić, Kanita Bašić samostalni vijećnici .

Glasalo 10 glasova uzdržanih: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Predsjedavajuća, dajem na glasanje prijedlog dnevnog reda sa predloženom izmjenom

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Ferić (DF), Josip Jurišić (HDZ), Fikret Delić, Mustafa Bešić, Kanita Bašić samostalni vijećnici .

Glasalo 10 glasova uzdržanih: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD -1 Periodični finansijski izvještaj o izvršenju Budžeta/proračuna Općine Maglaj za period 01.01.-30.09.2018. godine;

Senada Alibajraktarević, uvodno izlaganje

Još jednom bih se nadovezala na ovu tačku dnevnog reda, budući da je ovo uobičajena tačka koja ide već duži vremenski period na Vijeće i u skladu sa Pravilnikom o finansijskom izvještavanju i godišnjem obračunu FBiH, koji je stupio na snagu 01.01.2015.godine, Općinski načelnik uz obavezu dostavljanja Periodičnog finansijskog izvještaja Kantonalnom Ministarstvu finansija, ovaj Izvještaj dostavlja i Općinskom vijeću u roku od 20 dana po isteku obračunskog perioda. Ovo je uobičajena tačka dnevnog reda koja ide poslije svakog kvartala i Općinsko vijeće usvaja u formi Izvještaja, a ne u formi Informacije. Vjerovatno je to bila samo greška kod prekucavanja za dnevni red, a uredno je dostavljen materijal od strane Općinskog načelnika i Općinske službe prema Općinskom vijeću.

Prema Pravilniku o finansijskom izvještavanju koji podrazumijeva set devet finansijskih izvještaja u materijalu ste vidjeli da su dostavljeni kao set od obrazaca...

Otvaram raspravu

Vijećnica Selma Avdić, S obzirom da je u sazivu dnevnog reda bila tačka Informacija ze periodični finansijski izvještaj, mi smo je kao takvu na Klubu i razmatrali i pored svega gore navedenog, Klub vijećnika SDA neće podržati kao takvu.

Pošto uvijek govorimo o genderima i etičkim kodeksima, ja smatram da kod mene i mojih kolegica ne treba stajati vijećnik, nego vijećnica, nadam se da ćete to prihvatiti.

Predsjedavajuća, zaključujem raspravu i dajem na glasanje

Z A K L J U Č A K

1.1. Usvaja se Periodični finansijski izvještaj o izvršenju Budžeta/proračuna Općine Maglaj za period 01.01. – 30.09.2018.godine.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Ferić (DF), Fikret Delić, Mustafa Bešić, Kanita Bašić samostalni vijećnici .

Glasalo 10 glasova protiv Adis Abdurahmanović, Nedžad Alispahić, Selma Avdić, Mirsad Bežić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Glasalo 1 uzdržan glas: Josip Jurišić (HDZ),

AD – 2 Informacija o poticajima u poljoprivrednoj proizvodnji na području općine Maglaj;

Ferhat Bradarić, uvodno izlaganje

Druga tačka na sjednici vijeća je Informacija o poticajima u poljoprivrednoj proizvodnji na području općine Maglaj koja je u skladu sa Programom poticaja poljoprivredne proizvodnje za 2018. Godinu, usvojena 30.03.2018.godine. Ovim Programom je definisano da iz Budžeta Općine Maglaj za 2018. godinu opredijeljeno je 185.000 KM i što je definirano kroz osam javnih poziva i sufinansiranje proizvodnje svježeg kravljeg mlijeka koji se finansira kvartalno na način da od strane organizovanih otkupljivača dobijamo izvještaje o preuzetim količinama mlijeka. U skladu s naprijed navedenim Općina Maglaj je po ovom programu do 15.10.2018.godine utrošila 99.850,00 KM, po osnovu četiri javna poziva. To je pčelarstvo, proizvodnja aronije i borovnice, proizvodnja kornišona i plastenička proizvodnja. Kroz javne pozive naši sugrađani koji se bave poljoprivrednom proizvodnjom i koji imaju registrovana poljoprivredna gazdinstva su mogli da se jave na ovaj javni poziv i ostvarili su pravo sufinansiranje u skladu sa iznosima koji su definisani kroz ovaj Program. Općina Maglaj je redovno sufinansirala proizvođače sirovog kravljeg mlijeka za prva tri kvartala 2018. godine, po dostavljenim podacima od strane otkupljivača u iznosu od cca 57.000 KM.

U međuvremenu su raspisana još četiri preostala javna poziva, pozivi za peradarstvo, za proizvodnju jagodičastog voća, proizvodnja kukuruza i sufinansiranje programa projekata za udruženja građana i Zemljoradničkih zadruga. Ovi javni pozivi su trajali do 26.10. ove godine i po našim saznanjima, broj proizvođača je u skladu sa planom koji je bio obuhvaćen Programom, izuzmemo li situaciju kod proizvođača maline. To je prije svega zbog opće poznate situacije nepopularne cijene maline na međunarodnom tržištu, desio se udar na proizvođače, tako da se na javni poziv prijavilo oko 125 proizvođača sa nekih cca 120 tona otkupljene maline. U skladu sa tim mi imamo jedan prijedlog da se usvoji zaključak gdje Općinski načelnik predlaže da se Općinsko vijeće izjasni da se po ovom Programu poticaja proizvodnje i otkupa maline, iznos koji je bio definisan kroz Program a odnosio se od 0,10 do 0,15 KM poveća kako bi se donekle ublažile posljedice kod proizvođača na području općine Maglaj.

Otvaram raspravu

Vijećnik Mustafa Bešić, mi ćemo ovu informaciju primiti k znanju.

Ja sam na kolegiju iznio neke probleme o pojedinim granama poljoprivrede. Najveći udar nam se desio na malinarstvu. Mi smo prije dvije-tri godine imali vrhunac, a desilo nam se ovo što se desilo. Naša općina sigurno ne može uticati na tu cijenu, mislim da je smiješno, koliko se uložilo truda na terenu da se sigurno 70% ugasilo, počupalo. Kako ne znamo još tačnu otkupnu cijenu a to je 1,20 ili 1,50 KM, time je nemoguće pokriti repromaterijal. Naša općina se trudi maksimalno što je moguće na tim poticajima, evo i ove godine smo na Kolegiju razgovarali da bi se moglo još povećati ovo što je ostalo sredstava u Budžetu. Nije mi jasno ko vodi i upravlja ovim, ovo što nam naprave ljudi. Ljudi se pokušaju baviti jednom granom i onda to skrahira. Nije to samo pitanje malinarstva, imali smo i mlijeko, bikove, šta god nam pođe, a vjerujte bez poljoprivrede država je nula. Ja bih želio pohvaliti ovu informaciju. Mi na terenu moramo ljudima prenijeti kakvo je stanje, žao mi je ljudi koji se bore, rade i vidite i ove godine bila kiša tako da ovi što bi nas mogli podržati da nam ponude dobru cijenu.

Vijećnik Adis Abdurahmanović, Klub vijećnika SDA prima k znanju Informaciju o poticajima u poljoprivrednoj proizvodnji na područja općine Maglaj. Predlažemo da poticaj za maline iznosi najmanje 0,20 KM/kg te da se poveća iznos koji će se dodijeliti udruženjima u oblasti poljoprivredne proizvodnje isključivo za nabavku opreme u iznosu od najmanje 50%.

Vijećnica Svjetlana Zamboni, obzirom da smo na Kolegiju raspravljali o ovoj tački dnevnog reda, želim da pohvalim nastojanja Općinskog načelnika da pomogne proizvođače malina. Usaglašen je također zahtjev da podržimo jedan prijedlog zaključka koji podrazumijeva izmjene u poglavlju 1 ovih kriterija. Ja ću pročitati prijedlog zaključka.

U Programu poticaja u poljoprivrednoj proizvodnji općine Maglaj za 2018. godinu, u Poglavlju 1. **Posebni kriteriji po vrstama proizvodnje sa visinom poticaja i potrebnom dokumentacijom u odjeljku 2. Biljna proizvodnja tačka 2.2. proizvodnja jagodičastog voća – javni poziv (malina, kupina, jagoda i dr.)** mijenja se i isti treba da glasi:

„ Pravo na podršku u ovoj proizvodnji imaju poljoprivrednici koji zasnuju poljoprivrednu proizvodnju na zasadima malina, kupina, jagoda i dr. od 1 dunuma i više.

Visina poticaja za navedenu proizvodnju će biti po X kg otkupljene količine od strane registriranog otkupljivača, ali ne smije premašiti realizaciju od 100% tj. plan budžetske pozicije 614 414 „subvencije-sufinansiranje projekata u biljnoj i animalnoj poljoprivrednoj proizvodnji, 60% za animalnu, a 40% za

biljnu poljoprivrednu proizvodnju, uz razliku u realizaciji od 5%, planirane u iznosu od 185.000,00 KM u Budžetu/Proračunu Općine Maglaj. Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba“.

Obavezuje se Općinski načelnik i resorna općinska Služba za privredu, finansije/finansije i razvoj poduzetništva da izvrši obračun visine poticaja za proizvodnju jagodičastog voća (malina kupina, jagoda i dr.), a što se odnosi na otkupljene količine od strane registriranih otkupljivača, po novom iznosu poticaja navedenom u članu 1. ovog zaključka.

Ono što pokušavamo uraditi jeste da ne ograničimo ovaj poticaj na maksimalnih 0,15, nego da on može biti i veći naravno u skladu sa mogućnostima iz ovog granta ili poticaja.

Vijećnik Safet Jašić, ja mislim da je ovo ozbiljna tema i pošto dolazim iz jednog naselja gdje je malinarstvo uznapredovalo i mislim da trebamo dobro prodiskutovati i donijeti zaključke, premda se slažem sa svim ovim što je predsjedavajuća iznijela.

U ovom slučaju nema dodvoravanja, niko se nikom ne dodvorava, znamo situaciju sa terena. Ja se bojim ono što znam gore da ostanemo bez proizvođača malinarskog voća posebno maline i kupine. Iz tog razloga je i bio ovaj prijedlog gospodina Abdurahmanovića da se ide na ovaj iznos, ako možemo i da povećamo da spasimo dok nisu ljudi sve isjekli. Mislim da je prepolovilo u Kopicama što se tiče proizvođača maline da su ljudi to već uništili i da bi malo dali motiva ljudima da maksimalno koliko se može iz općinskog budžeta. Ako treba da se uputi i apel svim višim nivoima kad je ovo u pitanju. Mi znamo da su i u našoj državi i na ovako malom prostoru veliki lobiji, da ne pričam dalje. Bila atraktivna jedno vrijeme brusnica, sad je aronija i malina. Mi smo mali i ako ne budu naši proizvođači imali podršku od Općine, Kantona i države teško ćemo sačuvati i ono što imamo. Naravno da BiH uvijek živi od poljoprivrede i stočarstva i ako odustanemo od toga onda ćemo imati možda i probleme i pred Općinom, Kantonom možda i Državom itd.. Neće imati od čega da obezbijede ni osnovne potrebe za život. Ako treba organizovati i sastanke sa tim ljudima koji nisu još uvijek uništili te svoje zasade da to ostane, ali mizerno je i na kraju krajeva i bezobrazno sa 3,50 KM da se 1 kg maline svede na 1,20 KM itd. to je grijeh prema ljudima.

Vijećnica Svjetlana Zamboni, slažete li se gospodine Jašiću da ovaj prijedlog zaključka koji sam pročitala da ne zakivamo sumu, ako postoji mogućnost otvorenija i za 0,21 ili 0,22 neka to bude što više i maksimalno mogućnostima. Da onda ovo prođe kao prijedlog zaključka.

Vijećnica Kanita Bašić, mene zanima, Načelnik je objavio javni poziv za ostvarivanje novčane podrške 04.10., on je završen 26.10. znači prije pet dana, zanima me kako je protekao taj javni poziv, ko se sve prijavio i da li ima interesanata. Pričamo o novcu i nekoj podjeli da se nešto poveća, ako ljudi nisu zainteresovani zašto onda i raditi na tome da vidimo koliko se prijavilo.

Ferhat Bradarić, upravo sam to htio i da kažem. Po pitanju kompletnog programa svi ostali poticaji su otprilike kako su i planirani. Niko od ovih ostalih poticaja koji su aplicirani i bili otvoreni kroz ove javne pozive i koji su aplicirali nisu oštećeni. Projekcija Službe je bila da će proizvodnja na ovih 700 duluma biti otprilike na 500 tona tako da bi ova godina Budžet izvršenje sa ove pozicije bilo vjerovatno 100%.

Kad je u pitanju pregled do sada utrošenih sredstava ovo što su aplicirali, znači sa 15.10. isplaćeno je 99.850,00 KM. Kad je u pitanju ova četiri javna poziva koja su u toku bilo je 94 duluma na proizvodnji kukuruza, po 10,00 KM, to je iznos poticaja 950,00 KM. Kad je u pitanju proizvodnja konzumnih jaja, javila su se dva organizovana proizvođača sa ukupno 23.540 jedinki, sa 0,10 KM po koki nosilji 2.354,00 KM. Proizvodnja podrška za udruženje i zadruge javni poziv bio upućen bukvalno na adrese tih svih organizacija koje se bave poljoprivrednom proizvodnjom javila su se četiri udruženja i jedna zadruga. Znači ukupno 5 njih oni su imali pravo do 1.500,00 KM da traže za sufinansiranje aktivnosti, projekata, opreme oni su bili i skromni i tražili su 7.200,00 KM. Ostala je proizvodnja malina ukupna proizvodnja predata za organizovane otkupljivače je 125 naših sugrađana sa 120283 kg, cca 120 tona. Kada to stavimo u matematičnu relaciju ukupna sredstva koja su po ovom programu mimo malina, a računamo četvrti kvartal za proizvođače sirovog kravljeg mlijeka koji je na nivou nekih 20.000 KM, to je ukupno 130.350,00 KM. Ostaje nekih 55.000,00 KM, koje su bile predviđene za proizvođače jagode i maline, da je to bilo na nivou 500 tona to bi otprilike bio taj iznos koji bi bio na nivou 100% izvršenja Budžeta. Sve ostale pozicije, javni pozivi i ostalo sa na nivou cca 131.000 KM, ovo preostalo sredstava je za proizvođače jagodičastog voća, konkretno maline. Htio sam također da kažem da proizvođači maline imaju također poticaj od strane Kantona i on je na nivou 0,25 KM/kg otkupljene maline, tako da Općina i Kanton jedini su koji su prepoznali za sufinansiranje određenih aktivnosti. Također mi pratimo ova kretanja kroz cikluse, ovo nije ta jedina godina kada se desio udar na ove otkupljivače to se dešavalo i 2006 i 2007. godine i nakon ovakvih perioda zna se desiti da taj opet ciklus traje nekih 6-7 godina, gdje oni imaju dobru otkupnu cijenu i vjerovatno su to i kretanja i zaraznih bolesti koje pogađaju ta neka područja gdje su ti proizvođači. To se desilo na području Poljske gdje su ti veliki proizvođači tamo imali problema nekih par godina, to su jednostavno vremenske prilike i te neke stvari na koje običan čovjek i proizvođač ne može da utiče. Ova proizvodnja svakako ima budućnost i ne treba joj dozvoliti da se ugasi. Ovo je jedan ciklus koji će vjerovatno trajati jednu godinu dana ili dvije, ali nakon ovog perioda svakako očekujemo da će to biti jedan zamah u proizvodnji maline naravno kod onih koji istraju i sačuvaju svoje malinjake.

Vijećnica Selma Avdić, da li će na osnovu njihovog prinosa koji su oni predali biti data njima sredstva ili na ovih 120 tona biti će podijeljeno ovih 55.000 KM.

Ferhat Bradarić, Ne ide tako, oni dostavljaju otkupljene količine i ide po kg koliko je ko predao. Ova sredstva koja su na Budžetu preostala, a raspoloživa su po pitanju pozicije budžetske je negdje oko 50.000 KM. Znači svi ostalih sedam javnih poziva za sve ostale koji su imali pravo i koji su aplicirali ima interesa, ljudi apliciraju, javljaju se i to je otprilike na nivou plana kako je bilo planirano kad je donesen ovaj Program i koji je usvojen u martu mjesecu. Jedina proizvodnja koja je zakazala je proizvodnja maline, ali nije u pitanju od strane proizvođača, nego od strane otkupljivača. Da je proizvodnja bila kakva je bila projekcija ova pozicija bi bila na nivou 100% kako je bila planirana.

Predsjedavajuća, gospodine Abdurahmanoviću da li vi povlačite svoj prijedlog ako je gospodin Jašić rekao da se slaže. Da ne zakivamo sumu, da što više i što bolje pomognemo proizvođačima ovih sorti.

Vijećnik Mustafa Bešić, ja sam malo računao dok je gospodin Ferhat iznosio. Mi smo imali prethodne godine 500 tona, a ove 120 tona, tek sad ove godine iduće imamo probleme. Bile su maline, sad već nemamo malina i do jeseni ih neće biti. Ne znam koliko će ih ostati, ali 70% od ovih 120 tona što smo sad predali, sigurno će biti manje. Ja znam s terena dolazim, nema ljudi su to ugasili i sad ne vidim formu kako dignuti to. Ako smo imali otkupnu cijenu prije 2-3 godine 3,40 KM, a koje sad imamo 1,20 ili 1,40 KM Kanton pomaže sa 0,25 KM, Općina sa 0,15 KM ili 0,20 KM, to je 1,60 ili 1,70 KM. To je mizerno opet, znači ni pola nije od onoga koliko je bilo. Kako iznaći rješenje da se pomogne.

Predsjedavajuća, zaključujem raspravu i predlažem

- Prima se k znanju Informacija o poticajima u poljoprivrednoj proizvodnji na području općine Maglaj. Dajem na glasanje prijedlog

Z A K L J U Č A K

2.1. U Programu poticaja u poljoprivrednoj proizvodnji općine Maglaj za 2018. godinu, u Poglavlju 1. **Posebni kriteriji po vrstama proizvodnje sa visinom poticaja i potrebnom dokumentacijom u odjeljku 2. Biljna proizvodnja tačka 2.2. proizvodnja jagodičastog voća – javni poziv (malina, kupina, jagoda i dr.)** mijenja se i isti treba da glasi:

„ Pravo na podršku u ovoj proizvodnji imaju poljoprivrednici koji zasnuju poljoprivrednu proizvodnju na zasadima malina, kupina, jagoda i dr. od 1 dunuma i više.

Visina poticaja za navedenu proizvodnju će biti maksimalna moguća po kg otkupljene količine od strane registriranog otkupljivača, ali ne smije premašiti realizaciju od 100% tj. plan budžetske pozicije 614 414 „subvencije-sufinansiranje projekata u biljnoj i animalnoj poljoprivrednoj proizvodnji, 60% za animalnu, a 40% za biljnu poljoprivrednu proizvodnju, uz razliku u realizaciji od 5%, planirane u iznosu od 185.000,00 KM u Budžetu/Proračunu Općine Maglaj. Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba“.

2.2. Obavezuje se Općinski načelnik i resorna općinska Služba za privredu, finansije/financije i razvoj poduzetništva da izvrši obračun visine poticaja za proizvodnju jagodičastog voća (malina kupina, jagoda i dr.), a što se odnosi na otkupljene količine od strane registriranih otkupljivača, po novom iznosu poticaja navedenom u tački 2.1. ovog zaključka.

Glasalo 24 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF), Josip Jurišić (HDZ), Fikret Delić, Mustafa Bešić, Kanita Bašić samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD -3 Odluka o davanju saglasnosti Općinskom načelniku za utrošak sredstava ostvarenih po osnovu kontinuirane naknade od koncesije i korištenja državnih šuma za 2018. godinu;

Fuad Hajrulahović, u sazivu materijala imate prijedlog Odluke o davanju saglasnosti Općinskom načelniku za utrošak sredstava ostvarenih po osnovu kontinuirane naknade od koncesije i korištenja državnih šuma za 2018. godinu. Vi se dobro sjećate da je ovo isto Općinsko vijeće u istom sazivu dalo Općinskom načelniku saglasnost za utrošak sredstava koja su bila uplaćena do juna 2018.godine. Ovaj prijedlog Odluke je samo nastavak aktivnosti i za periodu juni – septembar uplaćena su dodatna sredstava u iznosu od 10.511,46 KM. Mi očekujemo tako isto da će i od septembra do kraja decembra biti uplaćen još dio sredstava, tako da smo i u prijedlogu ove Odluke stavili da Općinsko vijeće da saglasnost Općinskom načelniku da iznos od 10.511,46 KM i dio sredstava koji će biti uplaćen do kraja godine. I ova sredstva u svakom slučaju bit će utrošena u skladu sa Zakonom o javnim nabavkama i bit će utrošena u sanaciju infrastrukturnih objekata na području općine Maglaj.

Otvaram raspravu

Vijećnica Edina Jašić, stav Kluba SDA je da ne prihvatamo Odluku o davanju saglasnosti Općinskom načelniku za utrošak sredstava ostvarenih po osnovu kontinuirane naknade od koncesije i korištenja državnih šuma za 2018. godinu i po treći put predlaže da se iznos od 10,5 hiljada KM usmjeri na sanaciju puta Lanišće-Suhi most-Duba u mjesnoj zajednici Kopice koji vodi do vodozaštitne zone u čijem pojasu se nalaze sva izvorišta za vodovode u Kopicama i Čobama.

Vijećnik Fikret Delić, ovo je bilo na moj račun po treći put. Dva puta se nisam javio sad sam ipak morao.

Ja dolazim iz Kopica, da li vi mislite da neko više voli Kopice od mene? Ne, to ne dam reći nikom. Ali logično je bilo i u redu bi bilo da sam ja vijećnik koji dolazim iz Kopica pozvan i pitan da me neko pitao Fikrete hoćemo lih 10.000 KM podignuti ruku da idu u Kopice, vjerujete da bih ja najvjerovatnije pristao. Međutim, ovo je treći puta, ali ja ne mogu da vjerujem da ova strane poslije dvije i više godine ne shvata da je 2016. godine gospodin Mirsad Mahmutagić, općinski načelnik dobio izbore demokratskim putem legalno. Mirsad Mahmutagić, načelnik je okupio koalicioni blok 13 vijećnika. U tom bloku, u većini sam i ja. Sve što treba predlagat, predlažem da Kopice sa Načelnikom ja, ne da ja predlažem, ja predlažem Načelniku, ali ja tražim mišljenje mještana, obilazim, razgovaram sa njima i sve što su mještani tražili iz moje mjesne zajednice Kopice, ja sam to predložio Načelniku i Načelnik je to sve ispoštovao. Međutim, moraju shvatiti pojedini vijećnici i vijećnice, da je Načelnik legalno izabran i moramo ga svi poštivat. Ja se sa njim dogovaram, većina postoji vidite i sami kako funkcionište. Međutim, nemojte to, u Kopicama nema ni jedan m2 šume Općina Maglaj i da sad ta sredstva idu. Druga sredstva će ići jer smo već dogovorili. Ja sam s Načelnikom pričao bila je omladina kod njega da radimo projekat 100.000 KM, ne treba nam 10.000 KM u Kopicama, mi smo jedna najzapostavljenija MZ u Kantonu. Zašto to govorim? Na 25 km i 26 km smo udaljeni. Naša omladina nema ništa gore. Nađite mi jednu MZ koja ima 1200 stanovnika da nema doktora, da nema ambulantu i dom mladih. Mi smo dogovorili projekat s Načelnikom da ide ambulanta i dom i ako bog da on je trebalo već da se pođe raditi, ali nadam se naredne godine da ćemo imati sredstva u Budžetu Općine Maglaj i onda će svi vidjeti i svi će znati da ja ne radim za sebe i za svoj lični interes, nego za interes mještana MZ Kopice. Sve što mještani predlože to će doći Načelniku i Vijeću, a ubuduće kad nešto budete predlagali za Kopice, morate me pozvati, pitati da li ću ja to podržati ili đabe predlažete. Nemate 13 ruku i vi to predlažete. Morate imati ruke da bi prošlo nešto.

Vijećnica Selma Avdić, poštovani kolega Deliću, želim vam reći da je općina Maglaj cijela općina za mene, da to nije samo moj grad. Da je općina Maglaj svaka mjesna zajednica, sramotno je tako da vi govorite za ovom govornicom, to nije u redu. Ja mislim da kao građanka ove općine mogu glasati za bilo koju mjesnu zajednicu i boriti se za svako dijete i za svakog građanina. Vi nemate pravo meni određivati šta ću ja raditi za ovom govornicom i sa svojim kolegama. Mi danas ne govorimo o koalicijama, koalicije su prošle, mi govorimo o sredstvima koja se trebaju raspodijeliti. Valjda svako imao pravo da iznese svoje mišljenje gdje želi da se usmjere ta sredstva. Nije niko kolega vas prozvao ni imenom ni prezimenom, niti je bilo ko vas vrijeđao za ovom govornicom, a isto tako očekujemo da bilo ko ne vrijeđa nas sa one strane. Nije bilo nikakvih uvreda, ali jest bilo insinucija da neko vrijeđa kolegu Delića da on mora se zvati. Pa ko nas zove kad se vi dogovarate? Znači što god se dogovara zovite i vi nas pa da se dogovorimo. Ne trebaju ruke, treba dogovor.

Vijećnica Edina Jašić, - replika – niko nije vas lično prozvao, mi iznosimo svoje stavove isto kao što se vi zalažete za svoju mjesnu zajednicu, mislim da i ja imam isto to pravo. Ubuduće ako ste vi zainteresovani za neke dogovore, samo da pitam da li ste vi ikad nas pozvali za neki dogovor, jer vi možete da prenesete nešto do Načelnika i dogovorite se sa njim, očito mi ne možemo.

Vijećnik Safet Jašić, ja mislim da nije bilo potrebe za ovom diskusijom i molim vas da usmjerite diskusije u pravcu, odnosno onome o čemu se razgovara. Ovdje čovjek sišo iz šume i neke domove, šta ja znam, ovdje se radi, tačno se zna koja je tačka dnevnog reda i očito je da neko to sebi uzurpirao i uzeo sebi za pravo da je Načelnik samo nečiji, a ne svačiji. Nisam nikad mislio replicirati vijećniku iz mog mjesta niti želim i na kraju imaju legalno izabrani organi u mjesnoj zajednici gdje se treba i sa tim organima razgovarati i dogovarati, a ne uzurpirati sve je moje a ostali drugi ne moraju da znaju ni šta se radi ni šta će se raditi. Mislim da nije korektno ovo, ja kažem nisam nikad mislio da ću doživjeti ovakvu stvar iz jednog mjesta i evo neka shvati to kako god hoće. Nema, kakav dogovor, mi smo za svaki dogovor, znači ne može niko predložiti ako nema 13 vijećnika, nije to tako. To vi pogrešno totalno govorite. Zato vas molim usmjerite sjednicu i prije ćemo završiti neće biti ovako.

Mirsad Mahmutagić, moram odgovoriti, nemojte se ovdje igrati da ne nazovem pravim riječima nastupa moj, vaš ili naš Načelnik. Nema vijećnika kojeg Načelnik nije primio i građane primam redovno. Prema tome, ako vam neko neda da se pojavite kod Načelnika to je vaš problem, to nije problem Načelnika.

Drugo, ne želim biti advokat vijećnika Delića, morate znati da šumama na Kopicama ne upravlja ŠPD Maglaj, nego Šumarije Žepča i Tešnja. To su općine u koje se treba obratiti da se traži za mjesnu zajednicu Kopice. Ali u mjesnoj zajednici Kopice nemojte blokirati te stvari nego tražite, ganjajte kao što blokirate dom koji je pomenuo vijećnik Delić. Projekat za dom ja čekam mjesecima. Ove godine smo trebali izaći sa radovima i zemljište, novac je bio obezbijeđen, iz zemlje izaći i iduće godine nastaviti. Nemojte se igrati politike kad govorite o svom mjestu onda se zaista borite za svoju mjesnu zajednicu, ali se svi moramo boriti za kompletnu općinu Maglaj.

Kad predlažete put Duba, nije nikakav problem hajmo donijeti takvu odluku, znate šta ćete uraditi sa to novca. Možete pomesti ono gore problema koje ste napravili sa vodovodom Duba. Možete pomesti taj put sa to novca i

ništa više. Novac treba utrošiti na najbolji mogući način, a projekte koje imate po mjesnim zajednicama trebate aplicirati tamo gdje se apliciraju kod nadležne službe i to u svojoj općini ono što se tiče općinske nadležnosti.

Vijećnica Svjetlana Zamboni, moram naglasiti da je naša uloga da zaštitimo ovdje interese općine Maglaj i svih građana općine Maglaj.

Sredstva koja su doznačena nastala su po osnovu naknade za korištenje državnih šuma sa područja općine Maglaj. Ta sredstva su nastala dakle, iz šuma sa maglajske općine, a ne žepačke općine. Prema tome, nemam ništa protiv da se Mjesna zajednica obrati Općini Žepče i da traži naknadu za ono što je učinjeno na tom putu, ali ova sredstva da treba da saniraju štete koje su nastale po osnovu korištenja šuma na području općine Maglaj. Moram i to reći da donosimo odluku gdje općinskog načelnika ovlašćujemo da utroši ta sredstva. Praksa je pokazala da Općinski načelnik ima odličnu procjenu gdje ta sredstva treba da budu utrošena. Evo i 7. oktobra smo vidjeli da od građana imamo potvrdu mi ovdje u koalicionom bloku da Općinski načelnik pravilno i pravično raspoređuje sredstva na području općine Maglaj po svim mjesnim zajednicama.

Vijećnik Mustafa Bešić, prošli puta kad se raspravljalo o ovoj tački dnevnog reda, nas je neko iz ovog bloka snimio i dočarao narodu kao mi nećemo nešto podržati, ja i Fikret Delić. Moram da pojasnim. Ovdje svako ima pravo da podnosi prijedloge i inicijative, ali ne možeš mene natjerati da ja podržim nešto ako neću. To bi bilo smiješno da neko sa iz ovog bloka može da predloži i da kaže treba nešto u Domislci a na štetu mene, a ja tu živim i znamo kako je to. Ružno je to, ali je istina. Prenese se gore u Kopicama i Domislci i kaže Beša i Fikret neće podržati neki projekat. Mi imamo projekte i znamo šta treba usmjeriti. Ja sam bio i u prošlom mandatu vijećnik, pa mi je jedan ovdje rekao, to je ta demokratija, imamo mi ruke, nek Beša priča. E to je to, neću više ništa kazati.

Predsjedavajuća, zaključujem raspravu i dajem na glasanje prvi prijedlog zaključaka iznesen od strane Kluba SDA.

Glasalo 10 glasova za: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Glasalo 13 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici .

Glasao 1 uzdržan glas: Josip Jurišić (HDZ).

Predsjedavajuća, dajem na glasanje prijedlog kako je dostavljen u sazivu materijala i predlažem

Z A K L J U Č A K

3.1. Donosi se Odluka o davanju saglasnosti Općinskom načelniku za utrošak sredstava ostvarenih po osnovu kontinuirane naknade od koncesije i korištenja državnih šuma za 2018. godinu;

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici .

Glasalo 10 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Glasao 1 uzdržan glas: Josip Jurišić (HDZ).

AD - 4 Prijedlog Rješenje o imenovanju članova Upravnog odbora JU „Dječiji vrtić“ Maglaj;

Emina Hasanić, uvodno izlaganje - Dana 21.06.2018.godine Općinskom vijeću Maglaj podnesena je ostavka od strane dva člana Upravnog odbora JU „Dječiji vrtić“ Maglaj, gospođe Amre Osmić i gospođe Elife Mustabašić. Obzirom da Općinsko vijeće imenuje i razrješava dužnosti članove Upravnog odbora u reguliranom organu Općine Maglaj, Općinsko vijeće na svojoj 20. redovnoj sjednici donosi Odluku o razrješavanju članova Upravnog odbora JU „Dječiji vrtić“ Maglaj, te se istom za provođenje procedure imenovanja novih članova ovlašćuje Općinski načelnik, da imenuje Komisiju za izbor na pozicije u reguliranom organu Općine Maglaj, odnosno izbor dva člana Upravnog odbora JU „Dječiji vrtić“ Maglaj. Obzirom na donesenu Odluku i Zaključak OV, kako bi se otpočela procedura prema članu 39. Zakona o predškolskom odgoju i obrazovanju, zatraženo je od strane JU „Dječiji vrtić“ Maglaj da predlože po jednog člana komisije iz reda stručnog osoblja i iz reda Vijeća roditelja.

Na zatraženo, rukovodstvo JU „Dječiji vrtić“ Maglaj je postupilo odmah, te je održana vanredna sjednica Stručnog vijeća JU „Dječiji vrtić“ Maglaj, na kojoj je za člana komisije iz reda stručnog osoblja izabrana Džeraldina Delić. Istog dana održana je i vanredna sjednica Vijeća roditelja JU „Dječiji vrtić“ Maglaj, na kojoj je za člana komisije iz reda Vijeća roditelja izabran Armin Kalabić. Od strane osnivača, izabrana je Emina Hasanić.

Dana 31.08.2018.godine, Općinski načelnik donio je Rješenje o imenovanju Komisije za izbor na pozicije u reguliranim organima općine Maglaj – dva člana Upravnog odbora JU „Dječiji vrtić“ Maglaj, u kojem su imenovani prethodno navedeni članovi.

Zadatak Komisije je shodno principima Zakona o ministarskim, vladinim i drugim imenovanjima Federacije BiH i Odlukom o postupcima, standardima i kriterijima imenovanja na pozicije u reguliranim organima općine Maglaj bio

- da pripremi tekst oglasa za upražnjene pozicije,
- Objavi oglas na najefikasniji mogući način u „Službenim novinama Federacije BiH“ i barem jednom dnevnom listu velikog tiraža s ciljem da bude dostupan široj javnosti,
- Pregleda pristigle prijave u roku utvrđenom oglasom,
- Sastavi listu s užim izborom uspješnih kandidata koji ispunjavaju kriterije za izbor,
- Obavi intervju sa kandidatima koji su ušli u uži izbor,
- Kandidatima koji su ušli u uži izbor traži popunjavanje obrasca u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja,
- Od kandidata koji su ušli u uži izbor traži da daju podatke o odgovarajućem broju ranijih neposrednih rukovodioca od kojih se mogu dobiti preporuke i informacije o kandidatima.
- Odgovornom javnom službeniku, Općinskom vijeću Maglaj, predloži pismenom preporukom rang listu sa najboljim kandidatima na dalje razmatranje i
- Nakon izbora kandidata od strane Općinskog vijeća Maglaj izraditi rješenje o konačnom imenovanju i isto objaviti u „Službenim novinama Općine Maglaj.“

Dana 10.09.2018.godine Komisija je radeći u punom sastavu pripremila tekst javnog konkursa i jednoglasno se složila da isti ide u proceduru objavljivanja, s tim da će skraćena verzija konkursa biti objavljena u dnevnom listu „Oslobođenje i „Službenim novinama Federacije BiH“, kao i na RTV Maglaj, a integralni tekst javnog konkursa će biti objavljen na web stranici Općine Maglaj i oglasnoj ploči Općine Maglaj.

Tekst za navedeni Javni konkurs na upražnjene pozicije je objavljen u Službenim novinama Federacije BiH, dana 14.09.2018.godine, u dnevnom listu Oslobođenje 13.09.2018.godine, na web stranici općine Maglaj 13.09.2018.godine, na Oglasnoj ploči Općine Maglaj 13.09.2018.godine, te na RTV Maglaj 13. i 14.09.2018.godine.

Dana 02.10.2018.godine Komisija se sastala kako bi pregledala pristigle prijave u roku utvrđenom oglasom. Radeći u punom sastavu, Komisija je konstatovala da je do krajnjeg roka za prijavu, koji je istekao 27.09.2018.godine pristiglo četiri prijave kako slijedi : Nina Bradarić, Eldina Kamarić-Omerović, Enisa Salkić i Selma Husanović, te nakon toga Komisija je pristupila otvaranju prijava prema redosljedu zaprimanja na pisarnici Općine Maglaj.

Obzirom da su kandidatkinje prema priloženoj dokumentaciji ispunjavale sve opće i posebne uvjete, odnosno da su sve prijave formalno pravno ispravne, konstатовano je da sve kandidatkinje ulaze u uži izbor, te će biti pozvane na intervju.

Iste su pozvane telefonskim putem na intervju, koji je zakazan za dan 12.10.2018.godine u 14 sati.

Na intervju su se odazvale sve četiri kandidatkinje.

Prilikom provođenja intervjuja, dana 12.10.2018.godine, kandidatkinje su popunile traženi obrazac, u kojem su mogle iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njihovog imenovanja na poziciju u reguliranom organu Općine Maglaj – Upravni odbor JU „Dječiji vrtić“ Maglaj. Sve kandidatkinje su navele da nemaju pitanja.

Nakon provedenog intervjuja, održanog dana 12.10.2018.godine Komisija je na obrascu za ocjenu kandidata o ispunjavanju posebnih uslova iz člana 8. tačka f) do h) Odluke o postupcima, standardima i kriterijima imenovanja na pozicije u reguliranim organima Općine Maglaj, za članove Upravnog odbora izvršila ocjenu kandidata. Sve kandidatkinje su bile podjednako dobre, što pokazuje ukupan broj bodova koji su ostvarile. Članovi komisije su bili saglasni prilikom davanja ocjena, te jednoglasni u obrazlaganju prednosti i nedostataka, kojih u biti nije ni bilo.

S obzirom na sve navedeno, te poštujući ulogu Komisije za izbor na pozicije u reguliranim organima općine Maglaj – dva člana Upravnog odbora JU „Dječiji vrtić“ Maglaj, koja nam je povjerena, Općinskom vijeću dostavili smo Prijedlog Rješenja o konačnom imenovanju članova Upravnog odbora Javne ustanove „Dječiji vrtić“ Maglaj uz Pisanu preporuku i rang listu kandidata prijavljenih na Javni konkurs za imenovanje/nominovanje kandidata na upražnjene pozicije u reguliranom organu Općine Maglaj – Upravni odbor JU „Dječiji vrtić“ Maglaj.

Otvaram raspravu

Vijećnik Edib Delić, Klub vijećnika SDA je razmatrao zajednički četvrtu i petu tačku, pa će ja iznijeti jedinstven stav po obadvije tačke i vezano za Odluku o razrješenju Bajraktarević Tatjane.

Stav Kluba je da će biti suzdržani po ovim prijedlozima Rješenjima i odlukama vezano za imenovanje članova Upravnog odbora JU „Dječiji vrtić“ Maglaj, obzirom da su nelegalno i politički smjenjivani direktori JU i JP i

nezakonito imenovani novi našto smo već ranije ukazivali. U okviru ovih političkih imenovanja i razrješenja bila je i JU „Dječiji vrtić“ Maglaj.

Vijećnica Svjetlana Zamboni, - replika – ne znam na osnovu čega ste utvrdili da je nezakonito izvršeno izbor i imenovanja ili smjene direktora u ustanovama koje ste napomenuli, pa i JU „Dječiji vrtić“ Maglaj. Radilo se o isteku mandata direktorice, raspisanom javnom pozivu na koji su aplicirali svi zainteresirani u skladu sa zakonom, propisanim procedurama izabrana je direktorica „Dječijeg vrtića“ Maglaj i do sada nismo imali nikakvih zakonskih opaski po pitanju procedura provedenih u svim javnim ustanovama a ne samo u „Dječijem vrtiću“. Istekao je mandat direktorici, provedena zakonom propisana procedura.

Vijećnik Edib Delić, - replika - ne tako davno mi se svi sjećamo kada su ove teme bile na dnevnom redu ovog Vijeća. Vi znate vrlo dobro kako su izabrani direktor, kako su donesene nezakonite odluke o razrješenju direktora pojedinih JU. Svi ste vrlo brzo zaboravili te stvari i zato stojim i odgovorno kažem da je to izvršeno nezakonito. Upravni odbori su smijenjeni JU „ Narodna apoteka“ . Jel Vijeće donijelo odluku? Ja govorim o upravnom odboru.

Vijećnica Svjetlana Zamboni, gospodine Deliću niti jedan direktor nije smijenjen. Provođenje procedura za izbor i imenovanja direktora u Javnim ustanovama i preduzećima bio je po isteku mandata tih osoba gdje su provedene procedure koje su propisane zakonom.

Vijećnik Elvir Vehabović, na neki način ja sam direktor JU i osjećam se prozvanim. Mandat direktora JU traje četiri godine od dana imenovanja. U mojoj JU bio je direktor prije mene, imao je mandat, mandat istekao provedena procedura, izabran novi direktor. Što se tiče Upravnih odbora, mislim da su članovi Upravnih odbora u prethodnom sazivu žalili se Ombudsmenu za ljudska prava i Ombudsmen je donio odluku da je njihova smjena vraćanje u zakonsku proceduru, što vam piše, a opet možete tražiti odgovor od Ombudsmena.

Vijećnik Firuz Galijašević, samo jedno pitanje za desnu stranu. Da li je smijenjena i direktorica Nina Salkić-Bunjevac? Koliko znamo ona je bila na prethodnim izborima vaš kandidat.

Predsjedavajuća, niti jedan direktor nije smijenjen da ne produbljujemo diskusiju.

Mirsad Mahmutagić, bez obzira što nisam vijećnik ipak sam dio ove priče i moram izaći javno reći da je ovo jedna gnusna laž, neistina. Pročitajte kad vam šef napiše šta ćete reći, pročitajte malo, koristite svoj intelekt, pa ni jedan jedini direktor nije smijenjen u ovom mandatu vijeća i u mom mandatu. Svakom je istekao mandat. Još uvijek imate dva direktora pozicionirana u vašoj političkoj partiji koji su direktori i koje niko nije dirao. Imate gospođu Ninu Salkić Bunjevac direktoricu Biblioteke. Imate gospođu Rašidu koja je direktorica JU Dom kulture. Hoću da kažem javno direktorica Doma kulture koju je trebalo smijeniti, koja ne radi ništa i opstruira sve što može. Ne dolazi čitavo ljeto na posao, pravi zvečke, pa nećemo da mijenjamo, evo hvala bogu ističe mandat krajem godine, valjda će doći neko ko će raditi za ovu Ustanovu i za ovu općinu. Hoću još jednom da ponovim nemojte iznositi gnusne laži građanima. Ni jedan direktor nije smijenjen, svakom je istekao mandat. Nekima se produžavalo da još radi dok se provede zakonita procedura za izbor novog direktora. Ako ne znate provjerite za KJD koliko je nakon isteka mandata gospođa Amira Zukić bila još na mjestu direktora. Molim vas nemojte javnost lagat.

Predsjedavajuća, zaključujem raspravu i dajem na glasanje

Z A K L J U Č A K

4.1. Usvaja se Rješenje o imenovanju članova Upravnog odbora JU „Dječiji vrtić“ Maglaj i imenuju se :

1. Nina Bradarić, predsjednik, iz reda predstavnika osnivača,
2. Enisa Salkić, član iz reda stručnog osoblja.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 11 glasova uzdržano: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik, Josip Jurišić (HDZ).

AD – 5 Ostavka Bajraktarević Tatjane na mjesto predsjednice Upravnog odbora JU „Dječiji vrtić“;
- **Odluka o razrješenju Bajraktarević Tatjane zbog podnošenja ostavke na mjesto predsjednice Upravnog odbora JU „Dječiji vrtić“;**

Emina Hasanić, Dana 20.09.2018.godine Općinskom vijeću Maglaj, član Upravnog odbora JU „Dječiji vrtić“ Maglaj, gospođa Tatjana Bajraktarević, član ispred reda predstavnika Vijeća roditelja, podnijela je ostavku zbog odlaska u inostranstvo. Obzirom da je Općinsko vijeće, kao odgovorni javni službenik nadležno da pokrene postupak razrješenja članova upravnog odbora, u skladu sa odredbama Zakona o ministarskim, vladinim i drugim

imenovanjima u FBiH, neophodno je prvo Odlukom razriješiti postojećeg člana Upravnog odbora. Stupanjem na snagu navedene Odluke isti se razrješava dosadašnje dužnosti, te je Općinsko vijeće neophodno provesti proceduru imenovanja novog člana Upravnog odbora JU „Dječiji vrtić“ Maglaj. Za provođenje procedure imenovanja pomenutog člana, potrebno je Zaključkom ovlastiti Općinskog načelnika da ovlasti ranije imenovanu Komisiju za izbor na pozicije u reguliranim organima općine Maglaj, odnosno izbor člana Upravnog odbora JU „Dječiji vrtić“ Maglaj, kako bi Upravni odbor mogao da radi u svom punom sastavu.

Predsjedavajuća, zaključujem raspravu i dajem na glasanje

Z A K L J U Č A K

- 5.1. Usvaja se ostavka Bajraktarević Tatjane na mjesto predsjednice Upravnog odbora JU „Dječiji vrtić“.
- 5.2. Donosi se Odluka o razrješenju Bajraktarević Tatjane zbog podnošenja ostavke na mjesto predsjednice Upravnog odbora JU „Dječiji vrtić“;
- 5.3. Ovlašćuje se Općinski načelnik da ovlasti ranije imenovanu Komisiju za izbor na pozicije u reguliranim organima Općine Maglaj, odnosno izbor člana UO JU „Dječiji vrtić“ Maglaj da provede proceduru raspisivanja oglasa za popunu člana UO JU „Dječiji vrtić“.
- 5.4. Po okončanju procedure Općinsko vijeće će izvršiti imenovanje novog člana Upravnog odbora.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (S BiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ)..

Glasalo 10 glasova uzdržano: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik,

Predsjedavajuća, pauza, nakon pauze želim da pozdravim i naše goste koji su se priključili sjednici to su predstavnici CRS i Pro-Budućnost.

AD – 6 Prijedlog Etički kodeks JP „Veterinarska stanica“ Maglaj;

AD - 7 Prijedlog za odgodu organizovanja Odbora za reviziju JP „Veterinarska stanica“ Maglaj;

Dženana Bočić, predsjednica NO JP Veterinarska stanica – poznato vam je da je „Veterinarska stanica“ javno preduzeće što znači da je za javna sva preduzeća lex specialis Zakon o javnim preduzećima. Prema članu 5. Zakona o javnim preduzećima, organi JP su Skupština, NO, Uprava i Odbor za reviziju. Vezano za Etički kodeks želim reći da je jedan od članova Zakona o javnim preduzećima i između ostalih svih pravnih akata koje JP treba da ima i Etički kodeks“. Mi smo kao NO na Devetoj sjednici usvojili prijedlog Etičkog kodeksa koji je u skladu sa zakonom. Mislim da ga imate pred sobom. Obzirom da se po Statutu Veterinarske stanice u vezi usvajanja Etičkog kodeksa treba da izjasni Skupština, što je u ovom slučaju Općinsko vijeće, molili bi vas da prihvatite, ukoliko se slažete s tim.

Što se tiče Odbora za reviziju, prema članu 5. Zakona o javnim preduzećima, to je također jedan organ JP. Međutim, u našem slučaju ja sam obrazložila naše razloge, zbog čega smo predložili odgodu osnivanja Odbora za reviziju. Radi se o malom preduzeću sa četiri zaposlenika, sa godišnjim prometom ispod 100.000 KM. Svi prihodi preduzeća se usmjeravaju na nabavku raznih sredstava za rad JP, plaće zaposlenika, te druge troškove poslovanja, a odobrena sredstva od osnivača se namjeravaju koristiti u svrhu administrativnih troškova koji slijede naročito u prvoj godini nakon donošenja Odluke o usklađenju, tj. u ovoj godini, tako da bi dodatni troškovi rada Odbora za reviziju morali ići na teret troškova odobrenih od strane osnivača. S toga mi smatramo kao NO i direktor preduzeća da nema neke ekonomske opravdanosti za osnivanje ovog organa, naravno podvukla bih to ukoliko se vi ipak odlučite da treba taj organ osnovati u Veterinarskoj stanici, NO stoji na raspolaganju, jer je u našoj ovlasti da mi i organizujemo konkurs, prihvatimo svu proceduru preuzmemo na sebe, stojimo vam na raspolaganju, ukoliko se ne odlučite za usvajanje ovog našeg prijedloga.

Otvaram raspravu po 6. i 7. tački dnevnog reda.

Vijećnik Safet Jašić, stav Kluba SDA što se tiče tačke 6 i 7. Klub vijećnika SDA predlaže da Etički kodeks JP Veterinarska stanica Maglaj donese NO ili Direktor ove ustanove i ako nije u zakonu, nelogično mi je da Vijeće kao Skupština donosi takvu odluku u ime četiri uposlena radnika.

Što se tiče prijedloga za odgodu Odbora za reviziju JP „Veterinarska stanica“ Maglaj, je protiv prijedloga za odgodu organizovanja Odbora za reviziju JP Veterinarska stanica, i traži da se isključivo poštuju pozitivni zakonski propisi koji regulišu oblast revizije poslovanja.

Vijećnik Hajrudin Ferić, cijelo vrijeme sam tražio jednu priliku i da kažem nešto što nije vezano za ovu tačku dnevnog reda, a to je da iskoristim u svoje lično ime, kao vijećnik i u ime političke opcije DF ispred koje dolazim

da čestitam svim onim koji su na izborima 7. Oktobra ostvarili odlične rezultate poslanicima Jasminku Kapiću iz SDP-a i naravno Emiri Drnda-Čičeklić, na ostvarenom mandatu u Skupštini ZDK i želio bih da nekad u toku ove sjednice, nekim zaključkom samo pojačamo nešto što je već u praksi, a to je da se obavezno dostavljaju pozivi i materijali za prisustvo sjednicama Općinskog vijeća, da to bude naša obaveza a njihovo pravo i mogućnost da prisustvuju sjednicama i da imaju materijale.

Što se tiče ova dva prijedloga materijala iz JP „Veterinarska stanica“, želim da iznesem stav svoj, a mislim da ga iznosim i u ime koalicionne većine da ćemo mi podržati ovaj prijedlog Etičkog kodeksa, prihvatit ćemo ga, ne samo što je to zakonska obaveza. Obično imamo neku percepciju, eto moramo usvojiti pa nek stoji, nego što bi on ukoliko postoji zaista bi trebalo da bude jedna ideja, jedno uputstvo na koji način unutar tog preduzeća i odnosi tog preduzeća prema drugim spornim faktorima da budu uređeni na jedan zakonit način koji propisuju, ne samo Zakon o javnim preduzećima, nego još dva do tri zakona od Zakona o privrednim društvima, Zakona o sukobu interesa itd. Ima tu podosta ozbiljnih stvari.

Ono što nam nije predsjednica rekla, ko je radio ovu radnu verziju Etičkog kodeksa, vjerovatno stručno pravno lice, negdje je angažovano. Hoću samo reći da ono zadovoljava minimum zakonskih osnova da bude. Ono zahtijeva puno ozbiljnije dorade, preciziranje određenih odredbi, usaglašavanje i naravno kako i stoji tamo operacionalizaciju, znači opis i operacionalizaciju svih postupaka kako da se provodi taj Etički kodeks koji je jako važan za svako preduzeće.

Što se tiče Odbora za reviziju, postoje tu određeni i tu bi možda mogli pomoći iz Službe za finansije gdje postoje određene i zakonske odredbe koje i ne obavezuju striktno da postoji taj Odbor za reviziju u JP sa manjim brojem od 20 radnika ili 50 . Ali sasvim sigurno da mora postojati osoba koja se bavi internom, unutrašnjom revizijom i naravno mora biti odnos sa vanjskim revizorom, mora biti usaglašen ono što svako preduzeće mora da bi na kraju i dalo i predalo završni račun na početku ili na kraju godine. Tako da ću ja prihvatiti i ovo privremeno odgađanje osnivanja Odbora za reviziju unutar JP „Veterinarska stanica“.

Vijećnica Svjetlana Zamboni, na osnovu svega što se do sada nalazilo kao tačke dnevnog reda dolazilo iz preduzeća kojeg vi gospođu Bočić predstavljate kao predsjednica Nadzornog odbora i onda a i sada želim da vam čestitam što uređujete kroz ovu zakonsku regulativu rad tog preduzeća, svakako i Etički kodeks i ova odgoda, ja s punim povjerenjem sve ono što vi predlažete i radite, a već ste i sami rekli da uvijek konsultujete i Privrednu komoru i gospođu Sajmu koja je notar, koja vam odrađuje taj dio pravne regulative, dakle sa punim povjerenjem na sve vaše prijedloge i sugestije vezano za organizaciju ovog JP uvijek podržavam sve ono što dolazi odatle. Ja vam i ovom prilikom još jednom čestitam.

Dženana Bočić, Nadzorni odbor JP „Veterinarska stanica“ Maglaj, sve što može rješava samostalno, osim ono što zakonski nije u našoj ovlasti. Prema Zakonu o javnim preduzećima član 6. kaže da Skupština donosi Odluku o etičkom kodeksu na prijedlog Nadzornog odbora. Mi smo prijedlog usvojili na sjednici, ali ne možemo ga mi usvojiti. Iz tog razloga je ovdje na Vijeću.

Što se tiče Odbora za reviziju, čak i eksterna revizija nije obavezna za mala i srednja preduzeća. Eksterna revizija je obavezna samo za velika preduzeća, ali ja opet tvrdim ukoliko se vi izjasnite da ne prihvatate taj naš prijedlog odgode, mi smo tu da to ispoštujemo.

Predsjedavajuća, zaključujem raspravu i dajem na glasanje

Z A K L J U Č A K

6.1. Usvaja se Etički kodeks JP „Veterinarska stanica“ Maglaj i isti se ima objaviti u „Službenim novinama Općine Maglaj“.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 10 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Predsjedavajuća, dajem na glasanje prijedlog zaključka za ad-7

Z A K L J U Č A K

7.1. Prihvata se prijedlog za odgodu organizovanja Odbora za reviziju JP „Veterinarska stanica“ Maglaj.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 10 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.
Glasao 1 uzdržan glas: Josip Jurišić (HDZ).

AD – 8 Usvajanje Platforme za mir i Plan aktivnosti za implementaciju Platforme za mir 2018-2020 Općinsko vijeće Maglaj;

Stefan Pejović iz CRS-a, zahvaljujem se na gostoprimstvu. CRS je ovdje nekako na domaćem terenu. Pretpostavljam da znate da naša Organizacija od 1943. godine i već služi širom svijeta. Danas radimo u 116 zemalja svijeta, a Bosna i Hercegovina je na sreću ili na žalost, zavisi kako gledate jedna od tih zemalja.

Što se tiče konkretnih stvari koje smo radili u Maglaju od projekta „Cesta“, obnove infrastrukture, jedan od takvih objekata je most kod „Natron“ vjerovatno znate.

Danas se bavimo malo mekšim stvarima i danas je upravo na glasanju Platforma za mir, a kasnije će biti Akcioni plan za provedbu iste te Platforme, čisto da taj divni dokument ne bi ostao mrtvo slovo na papiru, nego da bi vi kao kolektiv i kao predstavnici vaše lokalne zajednice mogli da predložite konkretne aktivnosti koje će uticati na to da vaša zajednica bude još življa, ako je to naravno moguće. Kad već govorimo o Platformi za mir, nju su usvojili oba doma parlamentarne Skupštine Bosne i Hercegovine, usvojilo je već pet vijeća i skupština općina BiH, potpisalo devet predsjednika svih većih političkih partija u BiH, a usvojio je Festival „Mess“, potpisao ga je Veliki Gligorije u ime Međureligijskog vijeća u BiH itd. i veliki broj pojedinaca. Maglaj definitivno nije prva lokalna zajednica, nije prvo vijeće koje će usvojiti Platformu za mir. Kada govorimo o miru samo sam htio još to reći, kad me prijatelji ili starija kćerka pita a čime se ti baviš, onda ja njima kažem pomirenjem ili izgradnjom mira i onda svi gledaju kao priča je kao na izboru za mis, misice žele mir u svijetu itd.

Međutim, ja često volim ispričati jednu konkretnu priču. Ja sam proveo pola godine na terenu na izbjegličkoj ruti kod Lezbosa, pa sve kroz zemlje bivše Jugoslavije do granice sa Slovenijom i kako sam imao sreću da budem sa prijateljicom koja govori arapski jezik, koja može jako dobro da razumije te ljude koji su uglavnom dolazili iz Sirije. Jedno jutro smo sreli čovjeka koji je u zoru klanjao i Sadžida mu je prišla i pitala ga odakle ste vi, ko ste. Ispostavilo se da je to čovjek iz okoline Damaska koji je bio, skromno su živjeli, imali su koze. Pala je granata i ubila mu ženu. Nakon toga je odlučio da napusti Damask sa svojim sinom od tri godine i uspjeli su proći nekoliko vojski, jako puno traumatičnih situacija da bi došli do Turske, odakle čamcem iz Izmira prelaze na Lezbos i dalje idu rutom prema Zapadnoj Evropi. Kada su se ukrcali na jedan od tih čamaca naišao je val i odnio mu to dijete. I on je nakon što mu je uništena kuća, nakon što mu je žena stradala, nakon što je izgubio i dijete na moru, ostao sa tri stvari, Kur'an, Aristotelova knjiga i mala serdžada na kojoj je klanjao. Rekao nam je vidite ovo svakako nije bila moja volja, nego Božija, ali isto tako i volja Božija da ja moram da nastavim sa životom. I on je i nastavio. Tako ja prijateljima objasnim da mi svi imamo lične traume i velike stvari i kada pričamo o miru, zapravo da pričamo i o ratu, da ne smijemo to zaboraviti da moramo imati snagu da nastavimo.

Predsjedavajuća, u materijalima dobili ste kompletan tekst Platforme za mir, Stefan je već objasnio da je on usvojen u oba Doma. Naš je zadatak da usvojimo tekst Platforme, ukoliko imate još prijedloga aktivnosti koje bi se mogle vezati za ovu lokalnu zajednicu za provođenje, za implementaciju Platforme za mir 2018-2020. godina da možda to iznesete danas ili da kažemo da ćemo na nekoj od narednih sjednica dopuniti makar plan aktivnosti i naravno to podrazumijeva vašu ovlast meni da potpišem Platformu za mir u ime Općinskog vijeća Maglaj.

Otvaram raspravu

Vijećnik Mirsad Bejzić, Klub vijećnika SDA prihvata prijedlog Platforme za mir i Plan aktivnosti za implementaciju Platforme za mir 2018. – 2020. godina.

Vijećnik Hajrudin Ferić, bio sam uključen od samog početka ove kampanje da nam ova deklaracija dođe na sjednicu Općinskog vijeća i tad prvi susret, a evo i sad iskazujem i kao osoba, kao pojedinac, kao ličnost i kao političko biće iskazujem svoje zadovoljstvo i radost što ću glasati za ovu deklaraciju, bez obzira na sve probleme na koje nailazi ovaj tekst deklaracije u ovom prethodnom periodu i ne vidim osobe civilizirane, koja bi mogla da nađe neku primjedbu na sam sadržaj ili bilo koji dio sadržaja deklaracije. Ono zbog čega sam se javio, jeste činjenica da u tom tekstu ima i podosta obaveza koje su prihvatanjem, samim tim prihvatam i te obaveze i kao pojedinci i kao Vijeće i predstavnici administracije i predstavnici civilnog života, odnosno nevladinih organizacija i mediji tu su svakako uključeni i ne bi trebali tek tako olahko da dignemo svoja dva prsta da prihvatimo deklaraciju, nego da ozbiljno pristupimo realizaciji naših obaveza u postupku realizacije i deklaracije. Zbog toga i predlažem da se taj nekakav operativni naš akcioni plan nađe vrlo brzo na sjednici Općinskog vijeća, možda čak da paralelno prati i nacrt Budžeta odnosno prijedlog Budžeta.

Vijećnica Svjetlana Zamboni, htjela bih vama kao predstavnicima CRS da se zahvalim na dosadašnjoj saradnji koju smo imali s vama i na svim uspješnim projektima koji su ostvareni na području općine Maglaj. Kao što je rekao i dopredsjedavajući pretpostavljam i vidim po stavovima da ćemo prihvatiti Platformu za mir, da nam čestitam kao jedina od vijeća u nizu koja će prihvatiti Platformu za mir i koja će pred nas staviti određene i zadatke, ali svakako i ciljeve koje trebamo postići. Ono što možda u ovom momentu treba reći jeste da će Budžet, ili nacrt prilikom razmatranja nacrta Budžeta biti potrebno razmatrati i sredstva koja će biti usmjerena za

realizaciju ovih aktivnosti i da svakako to imamo na umu za dokument koji će uskoro se naći na sjednici Općinskog vijeća. A jedan pohvalan projekat koji mi već imamo na općini Maglaj to je IT Challenge koji upravo u ovom smislu okuplja mlade ljude, povezuje i radi upravo na realizaciji ciljeva ili postavljenih principa ove Platforme. Dakle, u tom smislu trenutno jedino što bih mogla reći jeste da je IT Challenge projekat koji zasigurno može dobiti podršku i CRS ali i drugih, dakle, da možemo razmišljati o različitim humanitarnim aktivnostima, susretima humanitarnog karaktera, edukaciji žena mladih i svih drugih kategorija društva. Isto tako, ja sam još uvijek pod dojmom javnog govorenja koje je bilo organizovano na općini Maglaj i čiji je domaćin bio Općinski načelnik i tada, a i sada želim da kažem nešto slično što je i vaš kolega rekao. Dakle, koliko smo mi spremni da se radi oduzimanja prvenstva prolaza na ulici i posvađamo, pa da dođe i do fizičkih okršaja, zbog malih stvari ili vrlo nevažnih za egzistenciju društva i pojedinca, a ljudi koji su prošli sve one traume i sve nedaće spremni su da oprostite jedni drugima. Ja vam se zahvaljujem i na prilici koja se ukazala i vijećnicima tom prilikom da poslušaju, da vide koliko su važne te priče i čemu nas sve te priče mogu naučiti.

Što se tiče ovog Općinskog vijeća i ja kao Predsjedavajuća vjerujem i svi vijećnici ovdje prihvataju svoju obavezu za realizaciju postavljenih ciljeva i principa vašeg dokumenta.

Vijećnik Mustafa Bešić, ja bih se zahvalio ovom mladom timu koji nam je ovdje iznio jednu priču koja me je rastužila. I ovdje svi koji sjede sudionici su tog jednog nesretnog rata koji nam se u prethodnom periodu desio. I ja ću ispričati jednu priču o sebi i mislim da je lijepo da podijelim s vama ovdje.

Ja sam Bešić Mustafa za one koji me ne znaju. Čovjek sam koji je sa 17 godina ušao u ovaj nesretni rat. U ratu sam stao na minu. O tom nesretnom ratu ne bi želio da pričam šta se sve izdešavalo. Hoću da kažem kako ima u nesretnim situacijama pozitivnih ljudi. Mene su ljudi osam sati nosili, da mi spasu život. Ono što ste vi pričali za ovog gospodina koji je imao sedžadu, Kur'an, izgubio je ženu, dijete, te nastavio dalje. U životu sam tri puta vidio svoju smrt. Prvi put mi se desilo, granata mi u rov pala, poginuo mi najbolji prijatelj. Treći puta sam imao saobraćajnu nesreću, prevrnuo sam se na krov i sve sam to preživio. Znači Bog mi je rekao moraš nastaviti dalje. Ovo je poruka, kao i vi što ste rekli, samo ste vi to malo ljepše uobličili. Znači moramo nastaviti dalje i širiti lijepe stvari, budućnost, pričati malo. Ja se trudim, stvarno se trudim gdje god mogu da pomognem i dam svoj doprinos jer su i meni ljudi valjali u životu. Drago mi je što ste došli.

Na sjednicu Vijeća pristupila je vijećnica Šefka Hasanić, tako da Općinsko vijeće radi sa 25 vijećnika.

Predsjedavajuća, zaključujem raspravu i dajem na glasanje

Z A K L J U Č A K

8.1. Usvaja se Platforma za mir i Plan aktivnosti za implementaciju Platforme za mir 2018-2020. godina.

8.2. U narednom periodu Općinsko vijeće Maglaj će razmatrati Plan aktivnosti za implementaciju Platforme za mir i razmotriti mogućnosti dopune iste.

Glasalo 25 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Josip Jurišić (HDZ), Fikret Delić, Mustafa Bešić, Kanita Bašić samostalni vijećnici, Adis Abdurahmanović, Nedžad Alispahić, Selma Avdić, Mirsad Bežić, Delić Edib, Šefka Hasanić, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 9 Odluka o dodjeli studentskih stipendija redovnim studentima drugog ciklusa studija sa područja općine Maglaj za akademsku 2017/2018. godinu;

Eldina Mehinagić, uvodničar – na jednoj od prethodnih sjednica Općinskog vijeća donijeli smo Odluku, također i Kriterije za dodjelu stipendija redovnim studentima sa prostora općine Maglaj za prvi ciklus studija. Obzirom da je ta procedura provedena, pojavilo se interesovanje i ovih studenata za drugi ciklus studija koje mi nismo uračunali u prvom javnom pozivu. Zato smo kad smo proveli proceduru za studente prvog ciklusa dali u prijedlog Odluku i Kriterije za redovne studente drugog ciklusa studija za dodjelu ovih studentskih stipendija. Sredstva postoje.

Otvaram raspravu

Vijećnica Anida Šahman, svakako da treba pohvaliti Odluku o dodjeli stipendija redovnim studentima drugog ciklusa studija koja se našla po prvi put na Općinskom vijeću Maglaj. Klub vijećnika SDP-a će ovu Odluku podržati i predlažemo da se ovakva praksa nastavi i dalje.

Vijećnica Dženita Smajlović, Klub vijećnika SDA predlaže da se preostala sredstva koja su namijenjena za stipendiranje studenata predviđena Budžetom, dodijele retroaktivno studentima prvog ciklusa studija srazmjerno broju studenata, obzirom da je akademska 2017/2018 godina završena, a da bi u slučaju odluke o dodjeli stipendija redovnim studentima drugog ciklusa bilo potrebno raspisati konkurs i obaviti sve potrebne procedure i

to u akademskoj 2018/2019. Što je malo nelogično. Redovnim studentima prvog ciklusa studija za 2017/2018. godinu su dodijeljena sredstva po konkursnoj proceduri, a općinsko vijeće Maglaj, nadležna Služba i Općinski načelnik su trebali voditi računa da se kod donošenja Odluke o dodjeli stipendija redovnim studentima prvog ciklusa za 2017/2018. godine donese i Odluka o dodjeli stipendija studentima drugog ciklusa za isti period, da se donesu opći kriteriji i raspiše konkurs. Uzgred napominjem da je Klub vijećnika SDA bio suzdržan i kod donošenja Odluke o studentskim stipendijama za 2017/2018. godinu i u ovako predviđenom načinu dodjele stipendija Klub vijećnika SDA ne želi da učestvuje. Na kraju krajeva zašto ovlastiti samo jednu osobu da upravlja ovakvim odlukama kako stoji u členu 2 i 3. Ove Odluke. Mi ćemo iz tog razloga biti suzdržani.

Vijećnica Svjetlana Zamboni, nekad ostanem iznenađena u nekim diskusijama. Ja sam mislila da nakon što je dostavljen prijedlog tačke dnevnog reda i kada sam vidjela naslov ove tačke dnevnog reda bila sam ponosna da će ovo Općinsko vijeće dodjeljivati stipendije studentima drugog ciklusa. Ako uposlenici u općinskoj administraciji, Općinski načelnik i njegove službe smatraju da mogu provesti proceduru nesmetano i da mogu izabrati među studentima i za 2017/2018. godinu, dakle kandidati kojima se mogu dodijeliti ova sredstva, a sredstava kako reče šefica zasigurno ima, ne znam zašto bismo mi našoj djeci uskratili da dobiju ta sredstva, a sigurna sam da svi mi želimo da nam se svi ti studenti koji se nalaze na postdiplomskom ili drugom ciklusu studija vrate ovdje i da rade u svojoj općini, dakle, na razvoju naše općine. Nekad sam stvarno malo iznenađena i ja zasigurno mogu reći u ime koalicionog bloka da dodjela stipendija za drugi ciklus studija, da ćemo podržati ovakve odluke, posebno zato što Služba tvrdi da se procedura može provesti i da postoje sredstva za provođenje ovakve odluke.

Vijećnica Dženita Smajlović, - replika – ja stvarno ne želim da neko nas pogrešno shvati. Ne priča se o uskraćivanju tih sredstava, nego samo ako je već proveden konkurs za prvi ciklus i ako je to sve riješeno mogu se usmjeriti ta sredstva, a u nekom budućem periodu može se na ovakav način ići. Malo je nelogično već je završena ta godina, a mi ćemo sad raspisivati konkurs za 2018/2019. godinu.

Vijećnik Safet Jašić, nemamo mi ništa protiv dodjele stipendija. Ja sam razumio da ste vi to tako nekako uobličili, nemamo mi ništa protiv. Zašto se nije raspisalo u isto vrijeme svim studentima i prvog i drugog ciklusa. Ništa drugo mi nemamo primjedbi, mi nemamo ništa protiv dodjele stipendija i da ih bogdom možemo i veće stipendije dati. Nelogično nam je sada, išao je jednom konkurs za studente prvog ciklusa, sad se ponovo ide za studente drugog ciklusa, malo je nelogično, poslije svih ovih događaja u posljednje vrijeme koja smo imali iza sebe.

Vijećnica Anida Šahman, - replika u vidu pitanja – Kome retroaktivno dodijeliti te stipendije ako govorimo o prvom ciklusu? Kako kada su studenti već dobili sa viših instanci stipendije? Znamo da master 2017/2018. godine baš i ne mora da počne u oktobru. Znači mi nećemo probiti te rokove budući da sada studenti imaju rokove i oni mogu da uđu u akademsku godinu.

Vijećnica Svjetlana Zamboni, - replika – nisam dugo u ovom Općinskom vijeću ovo mi je tek drugi mandat, ali do sada nismo imali finansiranje drugog ciklusa studija. Ovo je prvi puta da imamo i to na osnovu onoga što smo podijelili, ako je ostalo sredstava što ćemo ih ostavljati kada se ona mogu podijeliti. Studenti su i drugog ciklusa. Odluku kad smo donosili o dodjeli stipendija prvog ciklusa studija, bila je isključivo zato što smo smatrali da će ta sredstva pokriti potrebe prvog ciklusa. Ukoliko je Služba kad je dodijelila stipendije studentima prvog ciklusa i vidjela da ostaje sredstava i da bi se vjerovatno iz prijava, pretpostavljam da su se i oni prijavljivali da se može dodijeliti stipendija i studentima drugog ciklusa, ne znam zašto bismo pravili oko toga problem.

Vijećnica Dženita Smajlović, ako ste slušali, ja sam predložila da se srazmjerno broju studenata dodijeli taj iznos u smislu da im se npr. što će primati osam mjeseci stipendiju npr. da primaju devet ili deset mjeseci. Ja nisam korisnik općinske stipendije pa ne znam. Uglavnom, mi smo rekli iz kojih razloga ćemo biti suzdržani.

Vijećnik Hajrudin Ferić, činjenica je da podosta godina unazad ostaje planiranih sredstava za studentske stipendije. Vjerujte da sam nekad prije tri-četiti godine, vidio i čak sam i komentarisao to na blogovima svojim i po 20.000,00 KM za godinu dana ostajalo je neutrošenih sredstava. Ono što nama ostaje jeste da glasamo da se to ide ove godine da se podijele ta sredstva. Ono što je falilo nama u uvodnom izlaganju jeste koliko je to sredstava ostalo, koliko će pojedinačne stipendije biti za studente drugog ciklusa i treće da za narednu godinu zaista to ozbiljno pripremimo sve kad budemo radili novu odluku i nove kriterije, jer postoje određeni grantovi za ove studente drugog ciklusa i doktorante i na drugim nivoima vlasti, pa da i mi malo vidimo o tome šta za one što idu 240 ETC, a šta za one koji idu na neke druge cikluse. Ja ću podržati ovo. Falilo nam je još malo tih informacija, ali svakako da za narednu godinu malo to detaljnije proanaliziramo i da onda donesemo kvalitetnu odluku. Podržavamo ovu odluku i kriterije.

Mirsad Mahmutagić, ja ću prvo krenuti od jedne činjenice da moramo razdvojiti pojam mastera i postdiplomskog studija. Postdiplomski studij je nešto što se pohađalo skoro u 100% slučajevima uz rad i isto tako sam pohađao i završio postdiplomski studij. Ova bolonjska praksa i ovakav način uvođenja školstva je 3+2. 3+2 je master, ja sam imao pet godina elektrotehnički fakultet, nakon toga još dvije godine magistarski studij. Dakle, ovaj osnovni plus master možemo posmatrati kao jedan vid studiranja u kontinuitetu. Odluke sve ove godine kakve su bile ima nedostatka i do mene, kao vijećnik se očigledno nisam bio dovoljno uključio u to. Kao Načelnik sam se zabezeknuo kad sam vidio da ne dajemo studentima koji pohađaju master, stipendiju, nego samo prvom stepenu. Sredstava smo rasporedili onoliko koliko je bilo aplikantata, koji su zadovoljili kriterije. Zašto nismo dali sva

sredstva na te aplikante, pa nemojte očekivati da Općina Maglaj iznad Kantona i srazmjera treba da bude u stipendijama sa različitim nivoa. Kada sam vidio prijave studenata koji pohađaju master i obrazloženje da ne mogu dobiti zato što pohađaju master, samo zato što su nastavili četvrtu i petu godinu u kontinuitetu nije mi bilo logično. Utvrdili smo da imamo sredstava na raspolaganju i ta sredstva nema potrebe da čuvamo za bilo šta, jer smo ih planirali u tu namjeru i u drugu namjenu ne mogu biti iskorištena. Preko 40% od planiranih sredstava imamo na toj poziciji. Prema tome, mi smo se odlučili da ponudimo jedan ovakav materijal. Ovo je prva godina da se studenti sa master studija trebaju stipendirati iz općinskog Budžeta, naravno trebat će donijeti i kriterije i uslove. Činjenica je da postoje i grantovi pojedini za taj dio studiranja, dakle kriteriji treba da obuhvate ono u smislu, ko nije dobio stipendiju ni jednu kao što je bilo i za prvi stepen da može da bude kandidat za ovu stipendiju. Vidite, mi smo rekli imamo nadarene studente, koja je to logika da je neko nadren samo do treće godine, a studira onda četvrtu i petu godinu nije više nadaren. Ova prva odluka koja je bila nije bila dovoljno dobra, druga odluka koja je pred vama ovdje, pokušavamo da ove godine popravimo stanje i naravno da za slijedeću godinu treba napraviti jednu sveobuhvatnu, kvalitetnu odluku po kojoj će funkcionisati i po kojoj ćemo rasporediti sredstva onako kako je i planirano. Ovdje treba isključiti politiku, stranačku pripadnost, ovo je poticaj našoj djeci, našoj omladini da dobiju nešto novca i nemojte se sikirat jeli ovo mjesec avgust, septembar ili oktobar. Godina je tekuća bilo je ranijih godina da su se donosile odluke o stipendijama da nisu uvijek bile ni isplaćene, a kamo li blagovremeno isplaćene. **Vijećnik Safet Jašić**, ako smo mi na riječi, odnosno ako je Općinsko vijeće donijelo Odluku o cifri od 40.000 KM, ovo je pitanje, zašto se nije cifra od 40.000 KM podijelila redovnim studentima prvog ciklusa? Otkud sad višak sredstava?

Kako će se prijavljivati studenti drugog studija ako nije raspisan konkurs? I na tu temu da malo pričamo, ako treba da se raspiše konkurs nek se raspiše koji će trajati sedam dana i neka se prijavljuju. Otkuda je višak sredstava? Znači, ne poštuje se odluka vijeća. Zašto nije raspodjeljeno na studente prvog ciklusa?

Predsjedavajuća, prvo se donosi Odluka pa se onda raspiše konkurs. Općinski načelnik je obrazložio. Zaključujem diskusiju i dajem na glasanje

Z A K L J U Č A K

9.1. Donosi se Odluka o dodjeli studentskih stipendija redovnim studentima drugog ciklusa studija sa područja općine Maglaj za akademsku 2017/2018. godinu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 11 glasova uzdržanih: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Šefka Hasanić, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 10 Opšti kriteriji za dodjelu stipendija redovnim studentima drugog ciklusa studija sa područja općine Maglaj za akademsku 2017/2018. godinu;

Z A K L J U Č A K

10.1. Donose se Opšti kriteriji za dodjelu stipendija redovnim studentima drugog ciklusa studija sa područja općine Maglaj za akademsku 2017/2018. godinu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 11 glasova uzdržanih: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Šefka Hasanić, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Brifing Općinskog načelnika.

Ono što je bilo aktuelno u proteklih mjesec i po dana, zaista su izbori na svim nivoima zaustavili skoro sva dešavanja od općina, pa prema svim višim nivoima vlasti, pa čak i ovim drugim nevladinim organizacijama i institucijama koje su uvažavale takve stvari.

Neke interesantne stvari koje su se dešavale u međuvremenu, to je prije svega projekat sa Češkom ambasadam u kojem su uključene općina Maglaj, Livno i Mrkonjić Grad, s druge strane pored Češke ambasade, uključena je i Češka razvojna agencija, konvencija načelnika i gradonačelnika Republike Češke i nevladino udruženje People in

Need, također Češko udruženje, radimo na principima dobre lokalne samouprave i radimo na raznim projektima. Vi znate, ja sam ovdje iznio i pitanje projekta toplifikacije grada i to je nešto što je u toku, što do ovog trenutka imamo pozitivne signale da bismo projekat pročišćavanja otpadnih voda mogli pretvoriti u projekat toplifikacije grada s tim da i u tu moramo biti jasni, ako nam se taj projekat odobri. To je projektantski dio. Tehnički dio isporuka opreme i dobar dio sredstava će trebati obezbijediti i sa strane Općine Maglaj, ali postoje načini na koji se to i postiže i to očekujemo za par mjeseci i da ćemo doći do tog rezultata.

Mi očekujemo i početkom mjeseca ponovo jednu delegaciju iz Češke republike u posjeti Općini Maglaj da radimo na nekoliko projekata i ono gdje smo dodatno se uključili kao Općina, jeste povećanje sigurnosti upravljanja katastrofama. Dakle, to je jedna nadogradnja onog programa u koji smo ušli sa UNDP, o kojem sam vas također blagovremeno izvjestio. Mogu reći da zaista imamo dobru saradnju sa ovim Češkim institucijama, a rezultate ćemo vjerovatno imati kao što su bili i ranije. Češka Republika je druga poslije Poljske u Evropi po kvalitetu povlačenja novca iz Evropskih fondova.

Kada je u pitanju infrastruktura i dešavanja na području općine Maglaj, svjedoci ste da u skladu sa planiranim sredstvima u Budžetu, u skladu sa sredstvima koja smo obezbijedili, radimo i na sanaciji infrastrukture, izgradnje infrastrukture od putnih komunikacija, mostova, ulične rasvjete i drugih manjih ili većih projekata zavisno o kojima se radi i ovo lijepo vrijeme služi nam još da dovršimo ovo zašto imamo potpisane ugovore.

Ono što vas želim obavijestiti jeste da vjerovatno malo i uticaj političkih partija, malo nastojanja da ili bojanje da radimo određene infrastrukturne radove zbog izbora su doveli do toga da smo imali nekoliko obaranja tendera. Imamo dvije domaće firme i ja jesam uvijek za to da u Maglaju rade domaće firme, ali naravno po tržišnim uvjetima. Mi smo raspisali tender vrijednosti do 260.000 KM sa PDV i javile su se domaće firme „Hajdić“ d.o.o. i „Geo-put“ d.o.o. koje su ponudile vrijednosti za 100.000 KM više, dakle 350 i 370 hiljada. Tu su učestvovala i firma „Dobojputevi“ koja je poslije pod pritiskom odustala ali su bili u okviru planirane vrijednosti kako smo i projektovali. Isto tako, za građene Gračinog brijega i tu je oboren tender, jer je pod dogovorom tih lobija odustala i firma iz Zavidovića „Porobić“, pokušavajući da prođu druge firme sa znatno većom cijenom i do 40% od stvarne vrijednosti. Naravno to nismo dozvolili, pod cijenu da te poslove odradimo iduće godine. Novac je obezbijeđen i kada smo ponovili te tendere najpovoljnija je bila firma konzorcij Derventa Doboj, izabrani su kao najpovoljniji izvođači i traje rok žalbe. Dakle, na svaki način se pokušava da se eliminišu firme sa strane kako bi se ovdje uspostavile enormno visoke cijene za izvođenje radova. Ja tvrdim da to nećemo dozvoliti koliko god puta budemo morali ponavljati tendere, a građani Gračinog brijega, jučer je ušao izvođač radova za sanaciju dva klizišta i asfaltiranje tog dijela. Trebali su u međuvremenu da započnu radovi na sanaciji puta prema platou kod Restorana „Borik“ i nastavak gore radove i taj tender je poništen i sad će biti ponovljen tako da se nadam da malo strpljenja i da će nam vrijeme dozvoliti da ćemo to završiti.

Dakle, građani Misurića i Novog Šehera, Gračinog brijega, Bijele Ploče, Jablanice i drugih mjesta čekaju na ove radove za koje je novac obezbijeđen. Ukoliko se nastavi ova igra sa pokušajima kočenja Općine Maglaj i bezobraznim nastupima na tenderima, slobodno smijem to reći bez obzira na kamere, mi ćemo možda ove poslove, možda nećemo stići uraditi do zimske sezone, ali ja obećavam građanima da će biti urađeni odmah nakon zimske sezone, sredstva su obezbijeđena i sredstva će biti realizovana.

Radovi rekao sam koje sve vrste se provode ima još zaista velikih potreba za zahvatima na terenu od mostova, puteva, klizišta, pa i ulične rasvjete. Ono što pozivam mjesne zajednice da se uključe, odnosno rukovodstva mjesnih zajednica da se uključe da rade za svoje mjesne zajednice, da ne koče ni Načelnika ni Općinu jer time štete samo sebi. Nije puno tih mjesnih zajednica 3-4 na području općine Maglaj. Rade direktno protiv sebe, rukovodstva tih mjesnih zajednica protiv građana. Nećete biti uključeni za svoje mjesne zajednice, radit će se bez vas i to ćemo tako nastaviti i nećemo dozvoliti nikom da bude kočničar.

Što se tiče ostalih situacija sa bezbjednosne strane, vi znate da je bilo nekoliko paljevina vikend objekata u posljednjem periodu. Ja sam imao sastanak sa pomoćnicima i komesara i ministara, sa šefom Policijske uprave Zavidovići sa šefom PS Maglaj, razgovarali smo prije nekih mjesec dana. Izvjestili su da su dobar dio tih djela rasvjetlili, ali u cilju istrage nisu otkriveni detalji i vrlo brzo ću ponovo tražiti jedan sastanak da vidimo dokle se došlo s tim, jer to je nešto što narušava sliku. U pozadini toga su vrlo ružne stvari, vrlo ružni nastupi, pa da kažem i učesnici na koje su sumnja neka stoji dok policijske strukture to ne objelodane i dok ne priznaju da nisu iznijeli istinite podatke, da su pri kraju rasvjetljavanja tih slučajeva. Dakle, to će se pokazati i pred nama je.

Ide zimske sezona, vi znate da pokušavamo u čitavoj općini da budemo sa čišćenjem snijega, kako stoji stanje sa najavama vremenske prognoze i ne očekuje se neka žestoka zima, no bez obzira na to taman da padne jedan jedini snijeg to treba blagovremeno reagovati, raščistiti, dakle dio odgovornosti je i na mjesnim zajednicama, da one puteve pomoćne organizuju čišćenje u okviru svojih mjesnih zajednica. Općina Maglaj će kao i ranije snositi troškove po tržišnoj cijeni.

To je to otprilike. Što se tiče vijećničkih pitanja ili ću odgovoriti odmah ili ćete dobiti pismeni odgovor.

VIJEĆNIČKA PITANJA I INCIJATIVE

Vijećnica Selma Avdić,

1. Klub vijećnika SDA ponovo traži spisak isplaćenih jednokratnih novčanih pomoći za 2017. i 2018. godinu zaključno sa 30.09.2018. godine.

Ukoliko ne dobijemo traženi spisak isti ćemo tražiti na način predviđen zakonom.

2. Klub vijećnika SDA postavlja vijećničku inicijativu u ime većine roditelja općine Maglaj. Problem se odnosi na nedostatak pedijatra u Domu zdravlja Maglaj.

Pedijatar dolazi tri dana u sedmici u poslijepodnevnim satima i tada se pregleda uglavnom samo po dvadesetoro djece i ovo većinom zdrave djece koji trebaju primiti vakcinu.

Šta je sa bolesnom djecom? Roditelji su nezadovoljni takvim načinom liječenja. Ipak ovdje se radi o djeci do 6 godina starosti veoma osjetljivoj populaciji.

Klub vijećnika SDA predlaže da jedan od mogućih rješenja bude da menadžment Doma zdravlja angažuje uvaženu doktoricu Azru Mrehić na ugovor o djelu. Ipak svi dobro znamo da je doktorica Azra Mrehić mogla da radi do 75 godine života. Šta raditi sa našom djecom koja su bolesna i koja trebaju svaki dan ljekara pedijatra? Tako da do povratka ljekara koji je na specijalizaciji potrebno je iznalaženje i rješavanje ovog velikog problema. Bitno je imati pedijatra u Domu zdravlja svaki dan, jer nisu svi u mogućnosti odvesti svoje dijete privatno ljekaru i platiti.

Vijećnik Elvir Vehabović, specijalizacija iz pedijatrije traje pet godina. O tome zašto nemamo pedijatra, ja sam trenutno na funkciji godinu dana i ne mogu odgovoriti zašto nemamo pedijatra. Znači, trebala je biti raspisana specijalizacija prije pet i više godina, ako se znalo kad doktorica Azra ispunjava uslove za penziju. Doktorica Azra Mrehić je otišla u penziju. Znalo se kad ide u penziju i moglo se izračunati.

Potpisan je ugovor sa tri doktorice iz Žepča koje dolaze i takav su ugovor s nama potpisale. 20 pregleda i ne žele žene više da rade i njih ne može niko natjerati. Možemo samo otkazati taj ugovor o djelu. Pedijatrija radi svaki dan, pregleda doktor opšte prakse. Za ono što nije siguran, daje uputnicu za bolnicu Tešanj ili Zenicu.

Što nemamo pedijatra, imat ćemo ga u martu ili aprilu. Isto tako, možemo postaviti pitanje što nemamo interniste. Sutra čovjek odlazi na specijalizaciju i imat ćemo ga tek za šest godina. Zašto to nismo imali do sada, nije pitanje koje bi trebalo biti upućeno ovom menadžmentu. Na tržištu rada nema pedijatra koji će doći u Maglaj.

Odjel pedijatrije radi svaki dan od 07-15 sati. Pregleda doktor opšte prakse, od 16 do 18 sati pedijatar.

Vijećnica Selma Avdić,

Postoji li zakonska osnova da se doktorici Azri da ugovor o djelu do dolaska novog pedijatra?

Vijećnik Elvir Vehabović,

Postoji zakonska osnova. Da li doktorica želi ili ne želi, doktorica je otišla u penziju.

Imate novi Zakon koji kaže da mi sve one koji su stekli uslove za penziju moramo penzionisati.

Vijećnik Hajrudin Ferić,

1. Vijećničko pitanje: Da li građevinska i komunalno-sanitarna inspekcija imaju evidenciju o ložištima, odnosno vanjskim dimnjacima u gradu Maglaju, koji ne zadovoljavaju propisane uslove za upotrebu i šta mogu učiniti da se smanji zagađenje zraka iz ložišta stambeno-poslovnih zgrada tokom grejne sezone.

Poznato je naime, da sve veći broj stambenih i poslovnih objekata tokom grejne sezone koristi razne vrste i različite kvalitete ogrjeva od drveta, peleta, uglja i sl., koji u određenim periodima enormno zagađuju bližu, pa i širu okolinu otrovnim dimom, neugodnim mirisima i smanjenjem vidljivosti. Molim da mi se dostavi odgovor u pisanoj formi.

2. Kako je i u kom pravnom statusu organizovana Manifestacija „Studentsko ljeto“ 2018. godine i kakvo je bilo finansijsko izvršenje tj. prihodi odnosno rashodi po stavkama (budžet, donacije, od prodaje ulaznica, volonterski rad i sl.) i koji rashodi su proizvedeni – po stavkama.

Posljednjih godina, a čini se veoma intenzivno ove godine, određeni krug javnosti, od intelektualne do političke, vodio je otvorenu raspravu o samom karakteru, načinu organizacije i konceptu „Studentskog ljeta“, a kampanja se vodila kako na društvenim mrežama tako i na formalnim i neformalnim skupovima građana.

Molim da se da odgovor na ovo pitanje pismeno.

Pokrećem Inicijativu koja ima veze s ovim da se do kraja godine na sjednicu Općinskog vijeća uvrsti tačka dnevnog reda „Informacija o organizaciji Manifestacije Studentsko ljeto“, kako bi bila uvod u širokom dugu, detaljnu, sveobuhvatnu i odgovornu javnu raspravu o daljem karakteru ove tradicionalne Manifestacije, po kojoj je Maglaj prepoznatljiv skoro pola vijeka. Kroz ovu javnu raspravu, svakako bi trebalo uključiti sve građane, a pogotovo intelektualne, političke i javne ličnosti iz kulture i umjetnosti iz Maglaja, BiH pa i svijeta.

Vijećnik Adis Abdurahmanović,

1. Vijećnička inicijativa

Pokrećem inicijativu prema općinskoj službi, da se pokrene procedura izrade projektno-tehničke dokumentacije za raskršnicu na M 17 u mjestu Kosova kod skretanja za stadion i Gornju Kosovu.

Svjedoci smo da na pomenutoj lokaciji imamo sve učestalije saobraćajne nezgode, na svu sreću za sada bez ljudskih žrtava.

2. Pokrećem inicijativu da se u plan i program zimskog održavanja puteva uvrsti putni pravac Topola-Muminovići u MZ Kosova. Na pomenuti putni pravac je direktno oslonjeno 50 domaćinstava i indirektno još toliko. Pored

velikog broja građana iz pomenutog dijela MZ koji svakodnevno putuju na posao, odnedavno imamo i dijaliznog pacijenta. Napominjem da je kompletan putni pravac pod asfaltnom podlogom. Pošto sam zamoljen od velikog broja građana pokrenuo sam inicijativu, a također ću se konsultovati sa Vijećem Mjesne zajednice, da i oni se obrate dopisom prema Službi.

Vijećnica Šefka Hasanić,

Ispred Kluba vijećnika SDA i stanovnika novošeherskog kraja, postavljam pitanje vezano za rad ljekara u područnoj ambulanti Novi Šeher. Zadnjih mjeseci imamo često praksu da to radi jedan ljekar, pa da ga nema. Molim da se u odsustvu drugog ljekara obezbijedi adekvatna zamjena koja će imati na raspolaganje stanovnici novošeherskog kraja. Također da se obezbijedi rad medicinskog osoblja u poslijepodnevnim satima. Odlukama Općinskog vijeća u prethodnim mandatima izdvajana su sredstva i iz Budžeta Općine Maglaj za rad u poslijepodnevnim satima, pa molim da se s takvom praksom nastavi i ubuduće i da postoje minimalno dva uposlenika koji će raditi u poslijepodnevnim satima iz razloga, što se zna desiti da nekad sestrice ode u kućnu posjetu i stanovnici dolaze u zatvorenu ambulantu.

Vijećnik Elvir Vehabović,

Što se tiče ljekara u Šeheru, gore dva ljekara nemaju samo ako je jedan iz dežure, odnosno ili ako je na edukaciji. Jedino ako vijeće donese odluku o zabrani da ljekari idu na edukaciju pa će onda vjerovatno biti stalno po dva ili da donesemo nekakav akt da ljekar ima pravo raditi 32 sata bez prestanka. Znači 8 sati pred dežuru, 16 sati dežure i 8 sati nakon dežure. Ako postoji takav zakonski akt, ja molim da Vijeće to usvoji, kako bih ja mogao tim zakonskim aktom natjerati ljekara da radi 28 sati bez prestanka, a da to bude u skladu sa Zakonom o radu.

Što se tiče popodnevnog rada, možete li mi samo reći koji dan nije bio u popodnevnom radu u ambulanti u Novom Šeheru u periodu od 18-19 kad je propisan popodnevni rad za davanje injekcija.

Ja bih volio da imam dovoljno novca da mi je Ministar, odnosno Premijer kako je potpisao kolektivni ugovor sa Sindikatom da je dao i novac za koji je potpisao kolektivni ugovor, pa da mogu da zaposlim još najmanje 30 ljudi jer toliko fali po sistematizaciji. Međutim, zbog novca koji mi ne dobijamo iz Zavoda zdravstvenog osiguranja, mi umjesto 130 imamo 100 zaposlenika. Zašto imamo opciju da radimo više jer nemamo novca, ne dobijamo iz Zavoda zdravstvenog osiguranja pare, a kolektivni ugovor moramo ispoštovati jer će nas radnici tužiti. Ja bih volio da imamo šest radnika u Novom Šeheru u redovno radno vrijeme, a dva u popodnevnom i da u Kosovi imaju dva medicinska tehničara i u Moševcu, međutim, sa tim pitanjima obratite se Zavodu zdravstvenog osiguranja, pa ih pitajte zašto ne daju za to novac.

Što se tiče novca koji dolazi iz Općine, planiran za to gore što ste spomenuli, ljudi su plaćeni kako su plaćeni, znači u skladu sa Zakonom i svi imaju pravo da tuže ako im nešto nije plaćeno.

Vijećnica Edina Jašić,

Ispred Kluba vijećnika SDA pokrećem inicijativu za regionalizaciju puta Novi Šeher – Kopice – Kamenica. Obzirom da je taj put završen, zaslužuje da bude svrstan u veću kategoriju, odnosno da bude regionalni što bi olakšalo i Općini kada je u pitanju ljetno i zimsko održavanje puteva.

Vijećnik Fikret Delić,

Imam jednu inicijativu:

Prema Službi za BiZ, upućujem inicijativu. Prije mjesec dana sam obišao sva mnoga spomen obilježja na općini Maglaj, zatekao sam takvo stanje katastrofalno jedva sam mogao prići.

Zato i pokrećem ovu inicijativu da Služba iznađe rješenje, da li KJD, privatna firma ili godišnje da se uzmu neki sezonski radnici da se najmanje jedan puta a dobro bi bilo i dva puta godišnje sva spomen obilježja na općini Maglaj održavaju putem Općine Maglaj.

Predsjedavajuća Prije nego završim sjednicu Općinskog vijeća podsjećam vas da je 06.11.2018.godine u u 17,00 sati edukacija za vijećnike u organizaciji Saveza općina i gradova.

Našim sugrađanima koji su ostvarili mandate u Skupštini ZDK čestitam u ime Općinskog vijeća, a vezano za ove neke inicijative koje su se javile mislim da mogu neke od njih uči i u program rada Općinskog vijeća, poslan je upit svim političkim strankama i svim relevantnim subjektima da svoje prijedloge dostave do 15. novembra kako bi se mogao uraditi nacrt Programa rada Općinskog vijeća za narednu godinu.

21. sjednica Općinskog vijeća završena u 12,10 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

